

## Jutry 1882

| Jutrowne jěchanje so pod fararjom Dučmanom znowa zawjedže                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    | Das Osterreiten wird unter Pfarrer Deutschmann neu eingeführt                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>Po 105 lětach „wotpočowanja“ so Radworski křižerski procesion 1882 zaso wožiwi! Jěchaše so tehdy přez Bronjo, Kamjenej, do Zdžěrje.</p> <p>Po „křižerskej bitwie“ lěta 1623 so prawdžepodobnje tójšto lět wjace njejěchaše. Kak dołho bě tehdy tradicija přetorhnjena njeje znate. Zapisane pak je, zo běchu lěta 1756 23 porow křižerjow - a zo so lěta 1776 posledni raz před lětom 1882 jěchaše dla - noweho zakaza.</p> <p>Přispomnjenje: hižo tehdy (1882) běchu po rozprawje Katolskeho Posoła wjele přihladowarjow!</p> <p>Bačońska wosada bě tehdy runje nowa založena a cyrkej steješe runje před spočatkem twara (14.04.1882 so twarska buda za to postaji a po tym započinachu tam ryc za zakladne murje. Bačońska cyrkej woswjeći so 19.06.1888).</p> <p>Po založenju wosady a dotwarje cyrkwe jěchanja Radworčenko wot lěta 1892 do Baconja.</p> <p><i>Deleka originalny nastawk z Katolskeho Posoła z dnja 15.04.1882 a transkripcija resp. přeložk</i></p> | <p>Nach 105 Jahren wurde die Radiborer Osterreiterprozession 1882 wieder belebt! Man ritt damals durch Brohna, Camina, an Großdubrau vorbei nach Sdier.</p> <p>Nach der „Osterreiterschlacht“ des Jahres 1623 wurde wahrscheinlich viele Jahre nicht mehr geritten. Wie lange damals diese Tradition unterbrochen war ist nicht bekannt. Dokumentiert ist aber, dass es im Jahre 1756 eine Prozession mit 23 Osterreiterpaaren gab - und dass im Jahr 1776 das letzte Mal vor 1882 geritten worden ist.</p> <p>Anmerkung: Im „Katolski Posoł“ von 1882 wird hervorgehoben, dass schon damals sehr viele Zuschauer gekommen waren!</p> <p>Die Storchaer Kirchgemeinde war damals neu gegründet worden und die Kirche stand gerade vor dem Baubeginn (14.04.1882 wurde die eine „Baubude“ errichtet und danach begannen dort die Erdarbeiten für die Grundmauern. Die Kirche in Storcha wurde 1988 fertig und am 19.06.1888 geweiht).</p> <p>Nach der Gründung der Kirchgemeinde und der Fertigstellung der Kirche ritten die Radiborer Osterreiter ab 1892 in die neue Nachbar-Kirchgemeinde Storcha.</p> <p><i>Unten ein Originalbeitrag aus dem Katolski Posoł vom 15.04.1882 und die Transcription bzw. Übersetzung dazu.</i></p> |
| <p>Z Radworja. Po 105lětnym wotpočowanju (w l. 1776 posledni króć) wobnowi so w našej wosadze swjatočnosť, na kotrejž so druhe katolske wosady wjesela: křižerski jězdny wobchad jutrowničku popołdnu.</p> <p>Popołdnu w 1. hodžinach jěchaše so pod nawjedowanjom kublerja Jana Cyža z Radworja přez Bronjo, Kamjenej, nimo Wulkeje Dubrawy, přez Brěmjeno do Zdžěrje, hdžež křižerjo we hrodowskej kapali nyšpor wotdžeržachu. Popołdnu w 6 běchu křižerjo zasy we Radworju, hdžež najprjedy wokoło křižneje a potom wokoło farskeje cyrkwe jěchachu.</p> <p>— Křižerjow běše 45 a to z Radworja (z Hodlerjom) 15, z Kamjenej 12, z Bronja 6, z Chelna 2, ze Zdžěrje 6, z Łuha 2 a z Króńcy 2.</p> <p>— Přihladowarjow, a to wjele z daloka přińdženych, běše we Radworju a Zdžěri a we wsach na puću po njepřehladnych syłach. Wšitkim je so spodobalo. H.D.</p>                                                                                                          | <p>Aus Radibor. Nach 105jährigem Ruhen (im J. 1776 das letzte Mal) wurde in unserer Gemeinde ein feierliches Ereignis erneuert, auf die sich auch andere katholische Kirchengemeinden freuen: Die Osterreiterprozession am Ostersonntagnachmittag.</p> <p>Nachmittags um 1. Uhr wurde unter der Leitung des Gutsbesitzers Jan Ziesch aus Radibor über Brohna, Camina, vorbei an Großdubrau, über Brehmen nach Sdier geritten, wo die Osterreiter in der Schlosskapelle eine Andacht abhielten. Nachmittags um 6 waren die Osterreiter wieder in Radibor, wo sie zuerst um die Kreuzkirche und dann um die Pfarrkirche ritten.</p> <p>— Osterreiter waren es 45 und das aus Radibor (mit Schwarzadler) 15, aus Camina 12, aus Brohna 6, aus Cölln 2, aus Sdier 6, aus Luga 2 und aus Kronitz 2.</p> <p>— An Zuschauern, und auch viele von weitem her gekommene, waren in Radibor und Sdier und in den Dörfern an der Reitstrecke unüberschabare Scharen. Allen hat es gefallen. H.D.</p>                                                                                                                                                                                                                                            |

From:

<http://82.165.187.122/> - Radibor - Chronik

Permanent link:

<http://82.165.187.122/doku.php?id=osterreiten-neustart&rev=1664390875>

Last update: **2022/09/28 18:47**

